



კანონთა და განკარგულებათა კრებული

ამიერკავკასიის სოციალისტური ფედერაციული საბჭოთა რესპუბლიკის
მუშათა და გლეხთა მთავრობისა.

1929 წლის ივლისის 16.	№ 13 განყოფილება პირველი	ა/კფსრ სახალ. კომისართა საბჭოს საქმეთა მმართვე- ლობის მიერ გამოცემული.
--------------------------	------------------------------------	--

შ ი ნ ა ა რ ს ი:

- მუხ. 102. ა/კფსრ ადგილობრივი ფინანსების დებულების შეცვლის შესახებ.
- „ 103. „სახელმწიფო საწარმოში შრომის დისციპლინის განმტკიცების თაობაზე“ გამოცემული ა/კფსრ სახალხო კომისართა საბჭოს 1929 წ. აპრილის 11-ს თარიღისა და 218 №-ის დადგენილების დამატების შესახებ.
- „ 104. სახელმწიფო სარეწაო გადასახადის დებულების დამტკიცების თაობაზე სსრკ-ის ცენტრალური აღმასრულებელი კომიტეტისა და სახალხო კომისართა საბჭოს მიერ 1928 წ. აგვისტოს 10-ს დადგენილების გამოცემასთან დაკავშირებით ა/კფსრ კანონმდებლობაში ცვლილებათა შეტანის შესახებ.
- „ 105. პროფესიონალურ კავშირთა მოთხოვნით მომუშავეთა დათხოვნის შესახებ.
- „ 106. ა/კფსრ ტერიტორიაზე წყალმომთა სავალდებულო შემოწმებისა და დადაღვის შესახებ.
- „ 107. ა/კფსრ ტერიტორიაზე ლუდისა, ღვინისა, პურის არყისა, სპირტზე დაყენებული ხილის სასმელისა (ნალივკა და ნასტოიკა) და ჭაჭის არყის არამეტრული ბოთლების წარმოების აკრძალვის შესახებ.
- „ 108. შრომის ბირჟების მიერ მოწყობილ კოლექტივთა და საწარმოთათვის გადასახადებისა, გამოსაღებისა და ბაჟის გადახდევინების სფეროში შეღავათების მინიჭების შესახებ.
- „ 109. ზემოქსიმალური ჯამაგირების მქონე საეციალისტების საშუაო ხელფასის მოწესრიგების შესახებ.
- „ 110. ა/კფსრ შრომის სახალხო კომისარიატის დებულების მე-10 მუხლის დამატების შესახებ.

დადგენილება ამიერკავკასიის ცენტრალური აღმასრულებელი კომიტეტისა და ა/კფსრ სახალხო კომისართა საბჭოსი.

102. ა/კფსრ ადგილობრივი ფინანსების დებულების შეცვლის შესახებ.

ამიერკავკასიის ცენტრალური აღმასრულებელი კომიტეტი და ა/კფსრ სახალხო კომისართა საბჭო ადგენენ:

ბ. ა/კფსრ ადგილობრივი ფინანსების დებულებაში (ა/კფსრ კან. კრ. 1926 წ. მე-8 №-რი, მუხ. 697 და 1928 წ. მე-15 №-რი, მუხ. 153) შეტანილ იქნეს შემდეგი ცვლილებანი:

1. მე-15 მუხლის შენიშვნა მიღებულ იქნეს შემდეგი რედაქციით:

„**შენიშვნა.** ამა მუხლის „თ“ პუნქტში აღნიშნული ხარჯების საერთო თანხის 25% ა/კფსრ შედგენილობაში შემავალი თვითეული რესპუბლიკის ფარგლებში დაიფარება საერთო-სახელმწიფოებრივი ბიუჯეტიდან. საერთო-სახელმწიფოებრივი ბიუჯეტიდან გადადებულ სახსარს ადგილობრივი საბჭოების ბიუჯეტებს შორის გაანაწილებენ ა/კფსრ შედგენილობაში შემავალი რესპუბლიკების სახალხო კომისართა საბჭოები—ამ ბიუჯეტების ძალოვნების მიხედვით“.

2. 23 მუხლის „თ“ პუნქტი მიღებულ იქნეს შემდეგი რედაქციით:

„თ) ა/კფსრ შედგენილობაში შემავალი რესპუბლიკების მთავრობათა მიერ ადგილობრივი საბჭოებისათვის გადაცემული სახსარი იმ ანარიცხებიდან, რასაც ეს მთავრობანი მიიღებენ სახელმწიფოდაზღვევის მოგებიდან, რომელიც დანიშნულია დაზღვევით გათვალსწინებულ შემთხვევათა წინასწარ თავიდან ასაცილებლად და წინააღმდეგ საბრძოლველად საჭირო ღონიძიებათათვის“.

3. 23 მუხლის მე-2 შენიშვნა ამოშლილ იქნეს.

4. 30 მუხლის „ვ“ პუნქტი მიღებულ იქნეს შემდეგი რედაქციით:

„ვ) ახლად აგებული საცხოვრებელი შენობები—მთლად სამი წლის განმავლობაში აგების დღიდან—იმ პირობით, რომ აღნაგობის უფლების ხელშეკრულების დანარჩენი ვადის განმავლობაში, ან შემდგომი ოცდაათი წლის განმავლობაში, უკეთუ შენობა აგებულია უვადო სარგებლობისათვის გადაცემულ ნაკვეთზე ან მიკუთვნებულ მიწაზე, გადასახადი გადახდევინებულ იქნეს არა უმეტეს, ვიდრე ნახევარი რაოდენობით“.

5. 30 მუხლის 1-ლი შენიშვნა მიღებულ იქნეს შემდეგი რედაქციით:

„**შენიშვნა 1.** „ვ“ პუნქტში აღნიშნული შეღავათი გაიცემა იმ პირობით, უკეთუ აგებული შენობის საცხოვრებელი სივრცე შეადგენს არა ნაკლებ ამ შენობის საერთო სივრცის სამოცდახუთმეტი პროცენტისა; ამასთანავე, საცხოვრებელ სივრცეში შედის სამზარეულო, საწინაკარო დერეფანი, ტალანი, აბაზანა, საპირფარეშო და საერთო სარგებლობის სხვა ამგვარი დამხმარე სადგომი.

ესევე შეღავათი ვრცელდება საცხოვრებლად გამოყენების მიზნით შენობის დამთავრებისა, მიშენებისა, დაშენებისა, გადაკეთებისა და აღდგენის ისეთ შემთხვევებზედაც, რაც ა/კფსრ შედგენილობაში შემავალი რესპუბლიკების კანონმდებლობით გათანაბრებულია აღნაგობასთან“.

6. 35 მუხლის „ბ“ პუნქტი მიღებულ იქნეს შემდეგი რედაქციით:

„ბ) ბარგ-საქონლისა, სამგზავრო სისწრაფის ტვირთისა, სამგზავრო ბარგისა და ნორმალური ტარიფის პირველი ცხრა კლასის ტვირთისათვის—ორმოცდაათეც რაოდენობას“.

7. მე-40⁵ მუხლი მიღებულ იქნეს შემდეგი რედაქციით:

„მუხ. 40⁵. ის ფიზიკური პირი, რომელიც განახორციელებს ისეთი სახლის მშენებლობას, რაც გათვალისწინებულია „კერძო კაპიტალის ხარჯით საცხოვრებელი სადგომების მშენებლობის წამახალისებელ ღონისძიებათა შესახებ“ გამოცემული სსრკ-ის სახალხო კომისართა საბჭოს 1928 წ. აპრილის 17-ს დადგენილების 1-ლი მუხლით (სსრკ კან. კრ. 1928 წ. 26 №-რი, მუხ. 231), განთავისუფლდება საბინაო გადასახადისაგან მის მიერ და მის რჩენაზე მყოფ ოჯახის წევრთა მიერ დაჭერილ საცხოვრებელ სივრცეზე“.

8. აღნიშნულ დებულებას დაემატოს მე-40⁶ მუხლი შემდეგი შინაარსისა:
 „40⁶. საერთო-სამოქალაქო საბინაო სამშენებლო კოოპერატიული ამხანაგობის წევრი და აგრეთვე შედგენილი მოქალაქე სრულიად განთავისუფლდება საბინაო გადასახადისაგან ამ ამხანაგობისა და მოქალაქისაგან აგებულ სახლში მათ მიერ და მათ რჩენაზე მყოფ ოჯახის წევრთა მიერ დაჭერილ საცხოვრებელ სივრცეზე—სამი წლის განმავლობაში შენობის აგების დღიდან.“

აღნაგობის უფლების ხელშეკრულობის მოქმედების დანარჩენი ვადის განმავლობაში, ან შემდგომი ოცდაათი წლის განმავლობაში, უკეთუ შენობა აგებულია აღნიშნული ამხანაგობისათვის უვადო სარგებლობად მიცემულ ნაკვეთზე, აღნიშნული პირები განთავისუფლდებიან ნახევარი საბინაო გადასახადისაგან.

საბინაო გადასახადის შეღავათი გაიცემა იმ შემთხვევაში, უკეთუ საცხოვრებელი სივრცე შეადგენს არა ნაკლებ მთლად აგებული შენობის საერთო სივრცის სამოცდახუთმეტი პროცენტისა.

შენიშვნა 1. ამა მუხლით დადგენილი შეღავათი ვრცელდება საცხოვრებლად გამოყენების მიზნით შენობის დამთავრებისა, მიშენებისა, დაშენებისა, გადაკეთებისა და აღდგენის ისეთ შემთხვევებზედაც, რაც ა/კსფსრ შედგენილობაში შემავალი რესპუბლიკების კანონმდებლობით გათანაბრებულია აღნაგობასთან.

შენიშვნა 2. ამა მუხლით დადგენილი შეღავათის გაცემისათვის საცხოვრებელი სივრცის გამორკვევის დროს იგულისხმება, რომ აღნიშნულ სივრცეში შედის სამზარეულო, საწინაკარო დერეფანი, ტალანი, აბაზანა, საპირფარეშო და საერთო სარგებლობის სხვა ამგვარი დამხმარე სადგომი“.

8. საქალაქო მიწის რენტის გადახდევინების წესებში (ა/კსფსრ ადგილობრივი ფინანსების დებულების მე-2 დანართი—ა/კსფსრ კან. კრ. 1927 წ. მე-17 №-რი, მუხ. 202) შეტანილ იქნეს შემდეგი ცვლილება:

1. 1-ლ მუხლს დაემატოს მე-2 შენიშვნა შემდეგი შინაარსისა:

„**შენიშვნა 2.** ა/კსფსრ შედგენილობაში შემავალი რესპუბლიკების მთავრობათ უფლება ეძლევათ გაავრცელონ ხოლმე ამა წესების მოქმედება ისეთ მუშებით დასახლებულ და სააგარაკო ადგილებზე, რომელნიც მიკუთვნებულ არ არიან ქალაქის ტიპის დასახლებულ ადგილებისათვის.“

2. მე 3 მუხლის 1-ლი შენიშვნა მიღებულ იქნეს შემდეგი რედაქციით:

„**შენიშვნა 1.** სამი წლის გასვლის შემდეგ შენობის აგების დღიდან რენტა გადახდევინებულ უნდა იქნეს ნახევარი რაოდენობით „ო“ პუნქტში აღნიშნულ ნაკვეთებზე აღნაგობის უფლების ხელშეკრულობის მთელი დანარ-



ჩენი ვადის გამავლობაში და „კ“ ლ „უ“ პუნქტებში აღნიშნულ ნაკვეთებზე—
შემდგომი ოცდაათი წლის განმავლობაში“.

3. მე-3 მუხლის მე-2 შენიშვნა მიღებულ იქნეს შემდეგი რედაქციით:

„**შენიშვნა 2.** ამა მუხლის „ო“, „პ“ და „უ“ პუნქტებში აღნიშნული
შეღავათები გაიციემა იმ შემთხვევაში, უკეთეს აგებული შენობის საცხოვ-
რებელი სივრცე შეადგენს არა ნაკლებ ამ შენობის საერთო სივრცის სა-
მოცდახუმეტი პროცენტისა. აღნიშნული შეღავათის გაცემისათვის საცხოვ-
რებელი სივრცის გამორკვევის დროს იგულისხმება, რომ ამ სივრცეში შე-
დის სამხარეულო, საწინააპრო დერეფანი, ტალანი, აბაჯანა, საპირფარეშო
და საერთო სარგებლობის სხვა ამგვარი დამხმარე სადგომი. ესევე შეღა-
ვათი გავრცელდება საცხოვრებლად გამოყენების მიზნით შენობის და-
მთავრებისა, მიშენებისა, დაშენებისა, გადაკეთებისა და აღდგენის ისეთ
შემთხვევებზედაც, რაც ა/კსფსრ შედგენილობაში შემავალი რესპუბლიკე-
ბის კანონმდებლობით გათანაბრებულია აღნაგობასთან“.

8. დადგენილება ა/კსფსრ ადგილობრივი ფინანსების დებულების 35 მუ-
ხლის „ბ“ პუნქტის შეცვლის შესახებ სამოქმედოდ შემოღებულ იქნეს 1929 წ.
იანვრის 1-დან.

ამიერკავკასიის ცენტრალური აღმასრულებელი
კომიტეტის თავმჯდომარე **ს. კასიანი.**

ა/კსფსრ სახალხო კომისართა
საბჭოს თავმჯდომარე **შ. ელიავა.**

ამიერკავკასიის ცენტრალური აღმასრულებელი
კომიტეტის მდივანი **ს. იაკუბოვი.**

1929 წ. ივნისის 24. ტფილისი—სასახლე.

დადგენილება № 136 ა/კსფსრ სახალხო კომისართა საბჭოსი.

103. „სახელმწიფო საწარმოში შრომის დისციპლინის განმტკიცების
თაობაზე“ გამოცემული ა/კსფსრ სახალხო კომისართა საბჭოს
1929 წ. აპრილის 11-ს თარიღისა და 118 №-ის დადგენი-
ლების დამატების შესახებ.

ა/კსფსრ სახალხო კომისართა საბჭო ადგენს:

ა/კსფსრ სახალხო კომისართა საბჭოს 1929 წ. აპრილის 11-ს თარიღისა
და 118 №-ის დადგენილებას „სახელმწიფო საწარმოში შრომის დისციპლინის

განმტკიცების შესახებ“ (ა/კსფსრ კან. კრ. 1929 წ. მე-7 №-რი, მუხ. 65) დაემატოს მე-10 მუხლი შემდეგი შინაარსისა:

„მუხ. 10. წინადადება მიეცეს ა/კსფსრ შედგენილობაში შემავალი რესპუბლიკების მთავრობათ ღონიძიება მიიღონ, რათა სამკურნალო, სასამართლო და სხვა დაწესებულებანი (სოციალური დაზღვევის ორგანოები, შინაგან საქმეთა სახალხო კომისარიატები, შემნახველი სალაროები და სხვ.), რომელნიც მომსახურებობას უწევენ მშრომელთა ფართო მასსებს, აგრეთვე სავაჭრო საწარმონი მუშებს ამ მომსახურებობას უწევდნენ არასამუშაო დროს“.

ა/კსფსრ სახალხო კომისართა
საბჭოს თავმჯდომარე შ. ელიავა.

ა/კსფსრ სახალხო კომისართა საბჭოს
საქმეთა მმართველი ნ. ბახტაძე.

1929 წ. ივნისის 27. ტფილისი-სახალხო.

გამოქვეყნებულია „ზარია ვოსტოკა“-ს 151 №-ში 1929 წ. ივლისის 5-ს.

დადგენილება ამიერკავკასიის ცენტრალური აღმასრულებელი კომიტეტისა და ა/კსფსრ სახალხო კომისართა საბჭოსი.

104. სახელმწიფო სარეწაო გადასახადის დებულების დამტკიცების თაობაზე სსრკ-ის ცენტრალური აღმასრულებელი კომიტეტისა და სახალხო კომისართა საბჭოს მიერ 1928 წ. აგვისტოს 10-ს დადგენილების გამოცემასთან დაკავშირებით — ა/კსფსრ კანონმდებლობაში ცვლილებათა შეტანის შესახებ.

თანახმად სსრკ-ის ცენტრალური აღმასრულებელი კომიტეტისა და სახალხო კომისართა საბჭოს 1928 წლის აგვისტოს 10-ს დადგენილების მე-6 მუხლის „ბ“ პუნქტისა, რომელი დადგენილებითაც სამოქმედოდ შემოღებულია დებულება სახელმწიფო სარეწაო გადასახადის შესახებ (სსრკ კან. კრ. 1928 წ. 50 №-რი, მუხ. 442), — ამიერკავკასიის ცენტრალური აღმასრულებელი კომიტეტი და ა/კსფსრ სახალხო კომისართა საბჭო ადგენენ:

1. ძალადაკარგულად ჩაითვალოს ა/კსფსრ ადგილობრივი ფინანსების დებულების 26 მუხლის დანართი „წესები ცენტრალიზებული წესით დასაბეგრაფ საწარმოთა სათანაბრო გამოსაღების ზედნართისა და აგრეთვე სახელმწიფო საწარმოთა, კოოპერატიულ ორგანიზაციათა და სახელმწიფო და კოოპერატიული კაპიტალის მონაწილეობით მომქმედ სააქციო საზოგადოებათა (საპაიო ამხანაგო-



ბათა) საშემოსავლო გადასახადის ზედნართის გამოანგარიშებისა, გადახდევინებისა და ადგილობრივ სახსართა შორის განაწილების შესახებ“ (ა/კსფსრ კან. კრ. 1927 წ. მე-9 №-რი, მუხ. 121).

2. 1-ლ მუხლში აღნიშნული დებულების 26 მუხლის შენიშვნა მიღებულ იქნეს შემდეგი რედაქციით:

„**შენიშვნა.** ამა მუხლით გათვალისწინებული ზედნართების გამოანგარიშებისა, გადახდევინებისა და განაწილების წესი განისაზღვრება ცალკე კანონით.“

ამიერკავკასიის ცენტრალური აღმასრულებელი
კომიტეტის თავმჯდომარე **ს. კასიანი.**

ა/კსფსრ სახალხო კომისართა საბჭოს
თავმჯდომარე **შ. ელიავა.**

ამიერკავკასიის ცენტრალური აღმასრულებელი
კომიტეტის მდივანი **ს. იაკუბოვი.**

1929 წ. ივნისის 24. ტფილისი-სასახლე.
გამოქვეყნებულია „ზარია ვოსტოკა“-ს 152 №-ში 1929 წ. ივლისის 6-ს.

დადგენილება ა/კსფსრ შრომის სახალხო კომისარიატისა და ამიერკავკასიის პროფესიონალურ კავშირთა საბჭოსი

105. პროფესიონალურ კავშირთა მოთხოვნით მომუშავეთა და-თხოვნის შესახებ.

ა/კსფსრ შრომის სახალხო კომისარიატი და ამიერკავკასიის პროფესიონალურ კავშირთა საბჭო ადგენენ:

შემოღებულ იქნეს ა/კსფსრ ტერიტორიაზე სსრკ-ის შრომის სახალხო კომისარიატისა და სრულიად საკავშირო პროფესიონალურ კავშირთა ცენტრალური საბჭოს 1929 მაისის 13-ს თარიღისა და 159 №-ის დადგენილება „პროფესიონალურ კავშირთა მოთხოვნით მომუშავეთა დათხოვნის შესახებ“.

ა/კსფსრ შრომის სახალხო
კომისრის მოადგილე **ბანოვიჩი.**

შეთანხმებულია ა/კ. პროფკავშირთა საბჭოსთან:
თავმჯდომარის მაგიერ **ხარაბაძე.**

დადგენილება № 159 სსრკ-ის შრომის სახალხო კომისარიატისა და სრულიად საკავშირო პროფესიონალურ კავშირთა ცენტრალური საბჭოსი.

1929 წ. მაისის 13.

პროფესიონალურ კავშირთა მოთხოვნით მომუშავეთა დათხოვნის შესახებ.

სსრკ-ის შრომის სახალხო კომისარიატი და სრულიად საკავშირო პროფესიონალურ კავშირთა ცენტრალური საბჭო ადგენენ:

1. მოთხოვნა—რსფსრ შრომის კანონთა კოდექსის 49 მუხლისა და სხვა მოკავშირე რესპუბლიკების შრომის კანონთა კოდექსების სათანადო მუხლების თანახმად—მომუშავეთა დათხოვნის შესახებ შეუძლიან განაცხადოს მხოლოდ პროფესიონალურ კავშირთა ისეთ ორგანიზაციას, რომელიც სამაზრო და სარაიონო ორგანიზაციაზე დაბლა არა სდგას; ჯგუფობრივ კომიტეტებსა, საფაბრიკო-საქარბნო კომიტეტებსა და სხვა, მათ თანაბარ პროფესიონალურ კავშირთა ორგანიზაციებს ამისთანა მოთხოვნის წარდგენა არ შეუძლიანთ.

2. დამქირავებელი, რომელმაც მიიღო პროფესიონალური კავშირის მოთხოვნა მომუშავეის დათხოვნის შესახებ, მოვალეა იმავე დღეს აცნობოს ეს მოთხოვნა მომუშავეს.

3. იმ დამქირავებელს, რომელიც თანახმა არ არის პროფესიონალური კავშირის მოთხოვნისა მომუშავეის დათხოვნის შესახებ, შეუძლიან, შეიდი დღის განმავლობაში მოთხოვნის მიღების დღიდან, გადასცეს ამ ნიადაგზე პროფესიონალურ კავშირთან აღძრული კონფლიქტი განსახილველად მომრიგებელ კამერას ან სამედიატორო სასამართლოს საერთო წნისისამებრ.

უკეთუ მომრიგებელ კამერაში შესული კონფლიქტი ვერ გადაწყდა ამ კამერაში, დამქირავებელს შეუძლიან გადასცეს ეს კონფლიქტი სამედიატორო სასამართლოს შეიდი დღის განმავლობაში იმ დღიდან, რა დღესაც მიიღებს შეტყობინებას მომრიგებელ კამერაში კონფლიქტის განხილვის შედეგის შესახებ.

4. იმ მომუშავეს, რომლის დათხოვნის შესახებაც წარდგენილია პროფესიონალური კავშირის მოთხოვნა, შეუძლიან, შეიდი დღის განმავლობაში დღიდან საამისო შეტყობინების მიღებისა, შეიტანოს განცხადება მოთხოვნის გადასინჯვის შესახებ პროფესიონალურ კავშირთა ზემდგომ ორგანიზაციაში, რომლის გადაწყვეტილებაც საბოლოოა.

მომუშავეის საჩივარი პროფესიონალურ კავშირთა ზემდგომმა ორგანიზაციამ უნდა განიხილოს შეიდი დღის განმავლობაში დღიდან საჩივრის შეტანისა.

5. მომუშავე, პროფესიონალური კავშირის მოხონით, დათხოვილ უნდა იქნეს მხოლოდ შეიდი დღის ვადის გასვლის შემდეგ, რომლის განმავლობაშიაც შეიძლება განცხადების შეტანა პროფესიონალური კავშირის მოთხოვნის გადასინჯვის შესახებ (მე-3 და 4 მუხ. 1-ლი და მე-2 ნაწ.) და, უკეთუ ასეთი გან-



ცხადება შეტანილ იქნა, მომუშავეის დათხოვნა მოხდება მხოლოდ მას შემდეგ, როდესაც სათანადო ორგანო გამოიტანს გადაწყვეტილებას, რომლითაც დადასტურებულ იქნება მოთხოვნა დათხოვნის შესახებ.

სსრკ-ის შრომის სახალხო კომისრიის მოადგილე ტოლსტოპიატოვი.

სრულიად საკავშირო პროფესიონალურ
კავშირთა ცენტრალური საბჭოს მდივანი დოგადოვი.

გამოქვეყნებულია „ზარია ვოსტოკა“-ს 149 №-ში 1929 წ. ივლისის 3-ს.

დადგენილება № 135 ა/კსფსრ სახალხო კომისართა საბჭოსი.

106. ა/კსფსრ ტერიტორიაზე წყალმზომთა სავალდებულო შემოწმებისა და დადაღვის შესახებ.

რათა ა/კსფსრ მთელს ტერიტორიაზე უზრუნველყოფილ იქნეს წყალმზომებით აღნუსხული წყლის სისწორით გამომანგარიშება, ა/კსფსრ სახალხო კომისართა საბჭო, თანახმად სსრკ-ის ცენტრალური აღმასრულებელი კომიტეტისა და სახალხო კომისართა საბჭოს მიერ 1924 წლის ივლისის 6-ს დამტკიცებული საზომ-საწონთა დებულების მე-6 მუხლისა („სსრკ მთავრობის ვესტნიკი“-ს 1924 წ. მე-6 №-რი) და ამიერკავკასიის საზომ-საწონთა პალატისა და ადგილობრივ შემომოწმებელი პალატების დებულებისა (ა/კსფსრ კან. კრ. 1925 წ. მე-8 №-რი, მუხ. 484 და 487), ადგენს:

1. ყველა ის წყალმზომი, რაც გამოიყენება წყლისთვის ანგარიშის გასასწორებლად, აუცილებლად შემოწმებულ და დადაღულ უნდა იქნეს ხოლმე პერიოდულად.

2. წყალმზომის სავალდებულო პერიოდული შემოწმება მოხდება სამს წელიწადში ერთხელ.

3. აბონენტს უფლება აქვს მოითხოვოს წყალმზომის შემოწმება, თავისი ხარჯით, სამი წლის ვადის ვასვლამდისაც, თავისი სურვილისამებრ.

4. წყალმზომის მოხსნასა და დადგმას აწარმოებენ მარტოოდენ წყლის გამცემი ორგანიზაციის აგენტები.

5. წყალმზომების შემოწმებასა და დადაღვას აწარმოებენ, საზომ-საწონთა დებულებით დადგენილ საფუძვლებზე, ამიერკავკასიის საზომ-საწონთა პალატა და საზომ-საწონთა შემომოწმებელი ადგილობრივი პალატები იმ წესებისა და ინსტრუქციების თანახმად, რასაც გამოსცემს სსრკ-ის სახალხო მეთურნეობის უმაღლესი საბჭო.

6. ყველა საწარმო და უწყება, სახელმწიფო, საზოგადოებრივი და კერძო ორგანიზაცია, აგრეთვე კერძო პირი, ვისაც-კი წყალმზომი აქვს, მოვალეა წარუდგინოს იგი შესამოწმებლად და დასადაღავად ა/კსფსრ სათანადო შემომოწმებელ

პალატებს ან მათ განყოფილებებს თანახმად ამ უკანასკნელთა მიერ გემოქვეყნებული განცხადებისა და შეტყობინებისა.

7. წყალმშომებს შეამოწმებენ ამიერკავკასიის საზომ-საწონთა პალატა და საზომ-საწონთა ადგილობრივი შემმოწმებელი პალატები:

ა) ამიერკავკასიის საზომ-საწონთა პალატისა და საზომ-საწონთა ადგილობრივი პალატების ლაბარატორიებში:

ბ) საზომ-საწონთა შემმოწმებელი პალატების გარეშე—პალატების შემმოწმებელი შედგენილობა—ყველა იმ საწარმოში, რომელიც წყალმშომების შემოწმებასა და რემონტს აწარმოებს.

ამ შემთხვევაში აღნიშნულ საწარმოთ უნდა ჰქონდეთ სათანადო შემმოწმებელი გაწყობილობა და თვით რეგისტრირებულ უნდა იქნენ ადგილობრივ შემმოწმებელ პალატაში.

8. წყალმშომების სავალდებულო შემოწმება შემორტებულ იქნეს მთლად ა/კსფსრ ტერიტორიაზე ამა დადგენილების გამოცემის დღიდან.

შენიშვნა. ვიდრე შემმოწმებელი დაწესებულებანი მოაწყობდნენ წყალმშომების შემმოწმებელ ლაბარატორიებს, წყალმშომებს შემმოწმებელი პალატები შეამოწმებენ ბაქოს საბჭოს წყლის მიწოდების განყოფილებისა, ტფილისის აღმასრულებელი კომიტეტის წყალსადენის განყოფილებისა, ერევანის საქალაქო და სამაზრო აღმასრულებელი კომიტეტის წყალსადენის განყოფილების წყლის საკონტროლო სადგურებზე; ამასთანავე, ხაზინის იმ ხარჯების ასანახაურებლად, რაც დასკირდება შემმოწმებელი დაწესებულებების მიერ შემოწმებისა, ზედამხედველობისა და კონტროლის განხორციელებას, წყალმშომების შემოწმებისათვის გადასახდებიანი გამოსაღების ორმოცდაათი პროცენტი შედის ხაზინის შემოსავალში, ხოლო ორმოცდაათი პროცენტი—ამ ორგანიზაციების საღარიბოში.

9. იმ სახელმწიფო, საზოგადოებრივ და კერძო საწარმოს და ორგანიზაციას, რომელიც ა/კსფსრ ფარგლებში ეწევა წყალმშომების ვაჭრობას ან რემონტს, შეუძლიან გამოუშვას წყალმშომები მხოლოდ სათანადო დალის დასმის შემდეგ.

10. წყალმშომი შესამოწმებლად და დასადაღავად უნდა დარჩეს არა უხანგრძლივეს სამი დღედაღამისა; ამასთანავე, წყლის ფასი იმ ხნის განმავლობაში, რაც წყალმშომი შემოწმებისა და დადაღვისათვის იქნება წადებული, განისაზღვრება წინათვეში გაწეული დღედაღამის საშუალო ხარჯის მიხედვით.

11. წყალმშომების შემოწმებისა და დადაღვის გამოსაღები გადაჭდება აბონენტს იმ საერთო-საკავშირო ნიხრის მიხედვით, რასაც დაამტკიცებს სსრკ-ის სახალხო მეურნეობის უმაღლესი საბჭო.

ა/კსფსრ სახალხო კომისართა საბჭოს თავმჯდომრე **შ. ელიავა.**

ა/კსფსრ სახალხო კომისართა

საბჭოს საქმეთა მმართველი **ნ. ბახტაძე.**

დადგენილება № 140 ა/კსფსრ სახალხო კომისართა საბჭოსი.

107. ა/კსფსრ ტერიტორიაზე ლუდისა, ღვინისა, პურის არყისა, სპირტზე დაყენებული ხილის სასმელისა (ნალივკა და ნასტოიკა) და ჭაჭის არყის არამეტრული ბოთლების წარმოების აკრძალვის შესახებ.

სსრკ-ის ცენტრალური აღმასრულებელი კომიტეტისა და სახალხო კომისართა საბჭოს 1924 წ. ივნისის 6-ს დადგენილებისა („სსრკ მთავრობის ვესტნიკ“-ის მე-6 №-რი 1924 წლისა), შრომისა და თავდაცვის საბჭოს 1923 წ. ნოემბრის 1-ის დადგენილებისა და სსრკ-ის სახალხო კომისართა საბჭოს 1926 წ. თებერვლის 26-ს დადგენილების (სსრკ კან. კრ. 1926 წ. მე-12 №-რი, მუხ. 88) თანახმად—ა/კსფსრ სახალხო კომისართა საბჭო აღდგენს:

1. აიკრძალოს 1929 წ. ოქტომბრის 1-დან ა/კსფსრ ტერიტორიაზე ლუდისა, ღვინისა, პურის არყისა, სპირტზე დაყენებული ხილის სასმელებისა (ნალივკა, ნასტოიკა) და ჭაჭის არყის არამეტრული ბოთლების წარმოება.

2. ა/კსფსრ ტერიტორიაზე ლუდისა, ღვინისა, პურის არყისა, სპირტზე დაყენებული ხილის სასმელებისა (ნალივკა, ნასტოიკა) და ჭაჭის არყისათვის წარმოებული ბოთლები ყველა უნდა შეესაბამებოდეს დაწესებულ საერთო-საკავშირო სტანდარტებს.

3. ღვინისა და სპირტის ნაკეთობისათვის ისეთი ჭურჭლის წარმოება, რომლისთვისაც ჯერ კიდევ დაწესებული არ არის საერთო-საკავშირო სტანდარტები, ხოლო რომლის ტევადობაც შეეფერება დაწესებულ მეტრულ წყევას, ნებადართულია იმ დრომდე, ვიდრე დაწესდებოდეს სათანადო საერთო-საკავშირო სტანდარტები.

4. მიენდოს ა/კსფსრ სახალხო მეურნეობის უმაღლეს საბჭოს გამოსცეს ამა დადგენილების განსავითარებლად სათანადო ინსტრუქცია.

ა/კსფსრ სახალხო კომისართა საბჭოს თავმჯდომარე **შ. ელიავა.**

ა/კსფსრ სახალხო კომისართა საბჭოს

საქმეთა მმართველი **ნ. ბახტაძე.**

1929 წ. ივლისის 4. ტფილისი-სასახლე.



დადგენილება ამიერკავკასიის ცენტრალური აღმასრულებელი კომიტეტისა და ა/კსფსრ სახალხო კომისართა საბჭოსი.

108. შრომის ბირჟების მიერ მოწყობილ კოლექტივთა და საწარმოთათვის გადასახადებისა, გამოსაღებისა და ბაჟის გადახდევინების სფეროში შეღავათების მინიჭების შესახებ.

„უმუშევართათვის შრომითი დახმარების აღმოსაჩენად შრომის ბირჟის კომიტეტების მიერ მოსაწყობ საწარმოთა და კოლექტივთა თაობაზე გამოქვეყნებული დადგენილების შეცვლის შესახებ“ ამიერკავკასიის ცენტრალური აღმასრულებელი კომიტეტისა და სახალხო კომისართა საბჭოს მიერ 1926 წ. თებერვლის 15-ს თარიღით გამოცემული დადგენილების (ა/კსფსრ კან. კრ. 1926 წ. მე-2 №-რი, მუხ. 592) დასამატებლად—ამიერკავკასიის ცენტრალური აღმასრულებელი კომიტეტი და ა/კსფსრ სახალხო კომისართა საბჭო აღგენენ:

მე-11 მუხლი ამიერკავკასიის ცენტრალური აღმასრულებელი კომიტეტისა და ა/კსფსრ სახალხო კომისართა საბჭოს 1925 წ. ივლისის 13-ს დადგენილებისა „უმუშევართათვის შრომითი დახმარების აღმოსაჩენად შრომის ბირჟის კომიტეტების მიერ მოსაწყობ საწარმოთა და კოლექტივთა შესახებ“ (ა/კსფსრ კან. კრ. 1925 წ. მე-7 №-რი, მუხ. 467) მიღებულ იქნეს შემდეგი რედაქციით:

„მუხ. 11. ამა დადგენილების წესისამებრ მოწყობილი საწარმო და კოლექტივი, იმ ხნის განმავლობაში, რაც იგი შრომის ბირჟის კომიტეტის გამგებლობაშია, გარდა—სსრკ-ის ცენტრალური აღმასრულებელი კომიტეტისა და სახალხო კომისართა საბჭოს 1926 წლის იანვრის 8-ს დადგენილების (სსრკ კან. კრ. 1926 წ. 1-ლი №-რი, მუხ. 4) თანახმად—მინიჭებული შეღავათებისა, აგრეთვე:

ა) გათანაბრებულია სახელმწიფო ბიუჯეტზე მყოფ დაწესებულებებთან სადგომებისა და კომუნალური მომსახურებისათვის სასყიდლის გადახდის სფეროში;

ბ) განთავისუფლებულია ა/კსფსრ-სათვის დაწესებული ყველა გამოსაღებისა და ბაჟისაგან, საერთო-საკავშირო გადასახადების ზედნართებისაგან, რაც ადგილობრივ სახსარში გადაიდება, და აგრეთვე ყველა ადგილობრივი გადასახადისა და გამოსაღებისაგან“.

ამიერკავკასიის ცენტრალური აღმასრულებელი
კომიტეტის თავმჯდომარე **ს. კახიანი.**

ა/კსფსრ სახალხო კომისართა საბჭოს თავმჯდომარე **შ. ელიავა.**

ამიერკავკასიის ცენტრალური აღმასრულებელი
კომიტეტის მდივანი **ს. იაკუბოვი.**

1929 წ. ივნისის 4. ტფილისი-სახალხო.

გამოქვეყნებულია „ზარია ვოსტოკა“-ს 151 №-ში 1929 წ. ივლისის 5-ს.

დადგენილება № 74 ა/კსფსრ შრომის სახალხო კომისარიატისა და მუშათა და გლეხთა ინსპექციის სახალხო კომისარიატისა.

1929 წ. ივნისის 2.

109. ზემაქსიმალური ჯამაგირების მქონე სპეციალისტების სამუშაო ხელფასის მოწესრიგების შესახებ.

მიუხედავად სსრკ-ის სახალხო კომისართა საბჭოს 1928 წ. სექტემბრის 8-ს დადგენილებისა „სახელმწიფო დაწესებულებათა და საწარმოთა, კოოპერატიულ ორგანიზაციათა, შერეულ სააქციო საზოგადოებათა და კოოპერატიულ კაპიტალის უპირატესი მონაწილეობით მომქმედ სააქციო საზოგადოებათა მოსამსახურეებისათვის პერსონალური ჯამაგირის განსაზღვრის წესის შესახებ“ (ა/კსფსრ შრომის მომქმედი კანონმდ. კრებულის 263 გვ. 1929 წ.) და ა/კსფსრ შრომის სახალხო კომისარიატის 1929 წ. აპრილის 5-სა და მაისის 4-ს ცირკულიარებისა „ზემაქსიმალური ჯამაგირების მქონე სპეციალისტების სამუშაო ხელფასის მოწესრიგების წესების დარღვევისათვის დამნაშავე თანამდებობის პირთა პასუხისგებაში მიცემის შესახებ“,—მაინც იშვიათი არ არის ისეთი შემთხვევა, როდესაც სახელმწიფო დაწესებულებათა და საწარმოთა, კოოპერატიულ ორგანიზაციათა, შერეულ სააქციო საზოგადოებათა და კოოპერატიული კაპიტალის უპირატესი მონაწილეობით მომქმედ სააქციო საზოგადოებათა სათავეში მდგომი პირნი არღვევენ ზემაქსიმალური ჯამაგირების მქონე სპეციალისტების სამუშაო ხელფასის განსაზღვრის წესს და აგრეთვე იზიდავენ სპეციალისტებს ერთი დაწესებულებიდან მეორეში მათი ფაქტიური ჯამაგირის გადიდებით და სხვ.

ა/კსფსრ შრომის სახალხო კომისარიატსა და მუშათა და გლეხთა ინსპექციის სახალხო კომისარიატს შეუწყნარებლად მიაჩნიათ ასეთი მოქმედება, რაც ძირს უთხრის ზემაქსიმალური ჯამაგირის მქონე სპეციალისტების სამუშაო ხელფასის მოწესრიგებისა და სამუშაო ხელფასის ფონდების სათანადოდ გამოყენების წესს და,—რათა წინასწარვე აღკვეთილ იქნეს ეს მოვლენა, ა/კსფსრ სახალხო კომისართა საბჭოს დადგენილების თანახმად (ა/კსფსრ სახ. კ-თა საბჭოს და უმაღლ. ეკონ. საბჭოს გაერთიანებული სხდომის ოქმი 1929 წლის მარტის 7-ს თარიღისა და 35 №-ისა),—აღნიშნული კომისარიატები ადგენენ:

აეკრძალოს ყველა სახელმწიფო დაწესებულებას, შერეულ სააქციო საზოგადოებას და კოოპერატიული კაპიტალის უპირატესი მონაწილეობით მომქმედ სააქციო საზოგადოებას, ამ დაწესებულებისა, საწარმოს და ორგანიზაციის ხელმძღვანელის პირადი პასუხისმგებლობით, ერთი დაწესებულებიდან მეორე დაწესებულებაში სპეციალისტების მიწვევა მათი ფაქტიური ჯამაგირების გადიდებით (სპეციალისტების გადაბირება).



2. ა/კფსრ შემავალი რესპუბლიკების შრომის სახალხო კომისარიატებმა და მუშათა და გლეხთა ინსპექციის კომისარიატებმა უნდა გააძლიერონ ზედამხედველობა, რათა ყველა ზემოაღნიშნულმა დაწესებულებამ, საწარმომ და ორგანიზაციამ ზედმიწევნით შეასრულოს წესები ზემოაღნიშნული ჯამაგირების (360 მან. მეტი) მქონე სპეციალისტების სამუშაო ხელფასის მოწესრიგების შესახებ.

3. უკეთუ ამა დადგენილების 1-ლ მუხლში გათვალისწინებულ დაწესებულებათა, საწარმოთა და ორგანიზაციათა სათავეში მდგომი თანამდებობის პირნი დარღვევენ ზემოაღნიშნული ჯამაგირების განსაზღვრის წესს და, უკეთუ გაგამოაშკარავებულ იქნება ფაქტი ერთი დაწესებულებიდან მეორე დაწესებულებაში სპეციალისტის მიწვევისა მისი ჯამაგირის გადიდებით, — დასახელებული თანამდებობის პირნი დაუყოვნებლივ მიცემულ უნდა იქნენ პასუხისგებაში იმ წესით, რაც განსაზღვრულია 1929 წ. იანვრის 2-ს კანონით (სსრკ კან. კრ. 1929 წ. მე-4 №-რი, მუხ. 31) და ა/კფსრ შრომის სახალხო კომისარიატის 1929 წ. მაისის 28-ს თარიღისა და 64 №-ის სავალდებულო დადგენილებით — შრომის მომქმედი კანონმდებლობის დარღვევასთან ბრძოლის ღონისძიებათა შესახებ.

ა/კფსრ შრომის სახალხო კომისარი **იაშვილი.**

ა/კფსრ მუშათა და გლეხთა ინსპექციის
სახალხო კომისრის მოადგილე **ვარძიელი.**

გამოქვეყნებულია „ზარია ვოსტოკა“-ს 149 №-ში 1929 წ. ივლისის 3-ს.

დადგენილება ამიერკავკასიის ცენტრალური აღმასრულებელი კომიტეტისა და ა/კფსრ სახალხო კომისარიატის საბჭოსი.

110. ა/კფსრ შრომის სახალხო კომისარიატის დებულების მე-10 მუხ. დამტების შესახებ.

„შრომის კანონმდებლობის დარღვევასთან ბრძოლის ღონისძიებათა შესახებ“ გამოცემული სსრკ-ის ცენტრალური აღმასრულებელი კომიტეტისა და სახალხო კომისარიატის საბჭოს 1929 წ. იანვრის 2-ს დადგენილების თანახმად (სსრკ კან. კრ. 1929 წ. მე-4-რი, მუხ. 31) — ამიერკავკასიის ცენტრალური აღმასრულებელი კომიტეტი და ა/კფსრ სახალხო კომისარიატის საბჭო ადგენენ:

ა/კფსრ შრომის სახალხო კომისარიატის დებულების (ა/კფსრ კან. კრ. 1929 წ. № 7, მუხ. 66) მე-10 მუხლს დაემატოს „ო“, „პ“ და „უ“ პუნქტები შემდეგი რედაქციისა:

„ო) გამოსცეს, მისი კომპეტენციის ფარგლებში, სავალდებულო დადგენილებანი მუშა-ძალის დაქირავებისა, შრომის დაცვისა და სოციალური დაზღვევის საკითხების გამო, ამ დადგენილებათა დარღვევისათვის ადმინისტრაციულ გადასახდელთა დაწესებით“;

„ბ) განიხილოს საჩივრები ა/კფსრ შედგენილობაში შემავალი რესპუბლიკების შრომის სახალხო კომისარიატების დადგენილებებზე—შრომის კანონმდებლობის დარღვევისათვის გადასახდელის დადების შესახებ“;

„უ) მისცეს ხოლმე ა/კფსრ ყველა დაწესებულებისა და საწარმოს ხელმძღვანელთ წინადადება, რის შესრულებაც მათთვის სავალდებულო იქნება,—დაადონ დისციპლინარული გადასახდელი მათ ხელქვეით მყოფ თანამდებობის პირთ შრომის კანონმდებლობის დარღვევისათვის.

ამიერკავკასიის ცენტრალური აღმასრულებელი

კომიტეტის თავმჯდომარე ს. კახიანი.

ა/კფსრ სახალხო კომისართა საბჭოს თავმჯდომარე შ. ელიავა.

ამიერკავკასიის ცენტრალური აღმასრულებელი

კომიტეტის მდივანი ს. იაკუბოვი.

1929 წ. ივნისის 24. ტფილისი—სასახლე.

გამოქვეყნებულია „ზარია ვოსტოკა“-ს 152 №-ში 1929 წ. ივლისის 6-ს.